

四庫全書

史部

欽定四庫全書

水道提綱卷七

原任禮部侍郎齊召南撰

淮水

淮水出河南南陽府桐栢縣西南桐栢山

山在縣西南九十里一名

大復山東南接湖廣德安府隨州界其南為太平嶺接連而東西接棗陽縣界大復胎簪皆桐栢之支峰也

有淮井東南流西三度三分強極

曲曲經湖廣隨州北

界之出山司又折而北依翠屏山麓經桐栢縣城東

始折東流曲曲一百九十里經信陽州北境又九十

里始出重山有明港河自西北來會

明港河出信陽州西北境之回

龍山東流經州北境至明港驛北折而東南流至山麓與淮水會

東經真陽縣南羅

山縣北有澗河西南自州城東北流來會

澗河出州西南界山

三源一出平喜關北流一出東南一出其西者並會北流數十里折而東經州城南又東北至五里店南折而北流又東北至羅山西北境北流入淮

又東經息縣南有小黃河西

南自羅山縣城東北流合竹竿河來注之

小黃河出羅山縣西

南境武勝關之北靈山東北流百餘里經縣城東南又東流數十里竹竿河自南來會竹竿河出九里關

東操山北流百三十餘里經竹竿舖東又東北會小黃河東北流經濮公山西麓北入淮其口正對息縣

息縣稍東水分二派一東南流有光山縣北水自西

南來會折東北流與一派之東北流折而東南者會

于光州西北分五十里復合也

光山出水出縣西南山東北流經縣北又東

北至埤子口與淮水南派合又東北與北派合

又東北百三十里經固始縣

西北境汝水北自新蔡西北合舞陽西平上蔡遂平

確山汝寧諸水東南流來會

汝水見後

曰汝口其南即光

州南水西南合光山諸水東北流來會淮水勢大盛

即折東南流

光州水曰小潢河源出光山縣西南界山白沙關北三源北流數十里而合又

北數十里折東北流經縣城南有一水自東來注之又東北分為二派經光州城南又東北復合有小水曰白露河自西南來注之又東北有春河自南來注之又東北入淮其水口正北對汝口汝口之北即潁

州經老關巷南又折東北流有曲河西南自商城縣

來史河南自固始縣城合石漕河來俱會

曲河出商城縣西南

湖廣

關界北流入境經黃蘗山東北百餘里經縣

城西北又東北經固始縣北又東北與史河俱入淮

史河出商城縣東南境松子關北山東北曲曲流二

百餘里折西北流至固始縣東南有石漕河自南來

會石漕河出商城縣南境長嶺關東北流百餘里折

而北至固始南會史河又北經縣城東又東北經大

山西麓又北百里
與曲河俱入淮

曰三河尖又東北入江南界經潁

州南境南照鎮汝水支津自西來會

後見

乃東南流經

霍邱縣北潁上縣南有澧河自西南來注之

在霍邱西北

又東南流有潁河南自霍山北流經六安州而北來

注之

潁河出霍山縣南潛山縣西北境山北流經天堂鎮西又北有一水自西南來會又北有曼水

河西自湖廣界山東北流經上土司南而東北合一水東來注之又北經霍山縣城西北又折東北流至

石埠口有一水自東南來注之又北流有桃園河自西來注之又北有壁河自西北來注之曰西河口又

北至蘇家埠西折而東北流經六安州城西北又東北出山北流經單家集東馬頭集西錢家集東又北

至霍邱縣東境有城河西南自下落山東北流來注之又有清河東南通芍坡水西北來注之又北入淮

淮水折東北流經正陽關北壽州西境有沙河上承

伊陽汝州郟縣襄城之汝水登封禹州長葛許州臨

潁之潁水滎陽以東開封以西之賈魯河雙泊諸水

自西北來會曰潁口潁水見後又東北有淝河自西北來

會見後又東北經壽州北有芍陂沿河水自東南來

注之芍陂塘在壽州東南周數十里其西南支津西南流合清河西北入淝水其西北支津西北流

曰沿河經州城東北又東北有水東南自廬州府北又西北經兩山入淮

來注之

水二源出六安州東南龍公山一出大尖山皆東北流經官亭鎮西曲出山經廬州府西

北境二百餘里而合北流經伊家集東又北至北爐鎮南有清洛澗水東北自定遠來會又西北流百餘里經兩山又西北入淮又東北經懷遠縣城南有天河自南來

注之又東北有過河自西北來注之

此過河與前泥河由一水而分

二流也過河出河南太康縣東南東流數十里一支南流二十餘里又分二支俱東南流七十里經鹿邑縣南境又東南入江南界經亳州南境又分為二一東北至州東南之義門集西東會過河北派俗曰十字河是也一東南流經太和縣北境又東南經潁州北境曰泥河又東南流經潁上縣北境至壽州西境入淮一支自太康東流經柘城縣南境分為二派南派東南經鹿邑北折東北流北派至柘城東南有舊

黃河起睢州西北東南流合西來州南一渠又東南折而南經歸德府西南境南經柘城東北又南來會此過河之上源也又東南與南一支復合而東經鹿邑東北境入江南界東流經亳州城北折東南流經義門集南支有支津曰十字河自西南來會又東南流曰過河至雉河寨北有雉河自北來會又東南經蒙城縣城北又東南經懷遠縣北又東南入淮雉河上源曰澮河見後又東北有肥河

自西北來注之

肥河自宿州西境兩渠會東

又東至

長淮衛小蚌埠之南有龍子河自西南來注之

龍子河二

源出鳳陽西山中合北流入淮

折東北至衛城北折東南流經鳳陽

府城外北境稍東有濠水自南來注之

水出府城東南山北流經

府城東北
山入淮

經臨淮縣城北又東北流至小溪口西折

而北經五河縣南境有南湖水自西北來注之又東

北至縣城南澮河水自西北來注之

澮河自河南永城縣西南境舊

鄆縣城西北之渾河集東南流舊經城西又東南至縣南境分為二派其南派西南流入江南界經亳州東南境為雒河至雒河集入澮河又東南經蒙城北又東南至懷遠東入淮見前澮河下其一北派東流入宿州西北境東南流經南平集北宿州南境又東南經固鎮驛南又東南有澮河自西來會澮河自宿州南境東南為長湖又曲曲東南流岐為二派又東流復合東北流入澮河澮河入東南流至五河縣城西

南入

于城東南有沱河自北經城東來會

沱河自虹縣北境羊

城湖南流曲曲東南分為二派夾縣城東西至南復合又南至五河縣北境東南為沱湖又至東南于城東入淮水東北分為二派一東北為天井湖南北五

十餘里其東南為二支渠曰潼河一東流至朱家庄北與二渠復合又東北為女山湖至雙溝鎮西折而南流有一水西南自上店鎮來注之又南六十餘里

有池河西南自定遠來注之

池河源出定遠縣西北喜羊山南流折東南經

縣城西南又東流百數十里至池河驛北折東北流經三界鎮北又東北有澗溪自東南來注之折西北流百餘里入淮淮水又折東流五十里

南岸迤東尚有小山

經盱眙縣

城北泗州城南北

淮水自五河縣以下廣潤同黃河至盱眙西北更潤十餘里為洪澤

湖首泗州宛在水中四面皆水盱眙與南北相望但隔一渠其西南及縣南東尚有小山耳 自泗

州東北為洪澤湖有老子山在湖口

當泗水之東近南岸

其西

北有睢河自碭山蕭縣宿州靈璧睢寧東南流注之

湖自泗州之北迤東折而北有管公店前水東流注之又折而西北至鮑家集東又西北乃折而東而東南為睢河口睢河自碭山縣南境東南流入河南永城縣界東南經蕭縣西境曰龍溝河又東南有齊河村自東北來會齊村河出徐州府西北蕭縣北境黃河南岸大山兩源南流合西南流至蕭縣東南山下為小湖又西南流東匯二泉水又西流合南一小水又西入睢河蕭縣之西南境也睢河又南流至徐溪口

有小水自西山來注之又東南經宿州北境有一水
自西來注之又東南經靈璧縣北境又東南經虹縣
北境睢寧縣南境青陽驛南又東南百里入洪澤湖
自睢口而東南五十餘里南與老子山相對湖南北
徑五十里自此而東北南北自睢口東南折而西北
益廣遂至徑百六十餘里矣

六七十里又折而東

其嘴正直睢寧東南東
徑高家堰百七十里

而東北

經桃源縣南境有小水四自北來注之

自桃源南至
南岸徑百三

十里南自老子山南岸迤東北百五十餘里為高家堰

其北岸即清河縣南之御壩始為全湖之委北流至

清口黃河西自清河縣城南來會

東二度七分極
三十三度六分與

河合東北流東分支渠南為運道

運河邦溝見後

東北經北江

浦淮安府山陽縣阜寧縣北境安東縣南境又東北經

北沙鎮北又東北至雲梯關入於海

東三度五分極三十四度強

入淮巨川

南汝水源出遂平縣西南境之洪山龍陂兩源即泌陽

北界山也

汝水舊從舞陽縣北而南入西平界自元末於渦河竭斷其流使東歸潁于是西平

雲莊諸石二山之水明時亦塞今水道與古全異即名稱亦隨時不同所謂濯親澆汶溱亦難確鑿指証但據時俗所見敘次源流耳北源出華山扶予山南源出中陽山

其山南之水
皆流入泌

東流九十餘里至沙河店東南合東北

流六十餘里經遂平縣城南又東北五十里折東南流
經上蔡縣南境至汝寧府治汝陽縣北境有斗河自西
來注之又東折東南流經府城東北又東南有小沙

河西南自確山縣北來注之

小沙河出確山縣西境
山東流經城北又東南

流折而東北經
府南境入汝

又東南有吳寨河西南自確山縣西

南境來注之

吳寨河出泌陽縣東南境東流引天目
山北東北流又曲折東經確山縣南境

山麓又東北經真陽縣北界府東南
境入汝此水源長與南源北源相似

又東南數十里

折東流至新蔡縣之東南有洪河西北自西平上蔡

來會

洪河出舞陽縣東南界之筆尖山東北流百有餘里至西平縣城北折東南流經上蔡縣東北

折南流有朱里河西北自西平南境東南流經上蔡南境來注之又南經府治東北境又東南經新蔡縣城東北又南入汝又東流經固始縣西北境東入江

自元以前即汝水

南潁州界支流南入淮

見前

其東流者經潁州之桃花

店南又東經方家集南又東至南照鎮與西南來三

河尖之淮水會

北汝水與潁水沙水合者今入淮處曰潁口而經

流概名沙河以地南北相次序從沙河始

合河南東南諸

水盡歸淮潰汝潁為最巨賈魯河次之語云萬派歸淮信已

沙河即古潢水俗曰沙水源出魯山縣西境之堯山

伊即

陽南界山曰沒大嶺

東流合西南來之波水又東南經縣城南

又東有達老河西北來注之

魯山在縣東北河自山西麓東南流入沙

東

經寶豐縣南境有小水自東北來注之

水自縣東南之香山西南

流入又東南經葉縣北有昆水注之

縣北有昆陽關

又東南流

有輝河西自葉縣城南來東流注之又東經舞陽縣

東北境汝水西北自襄城來會又東南流至郛城縣南曰大澱水其上流即故汝水也俗總稱為沙河有

濃河西自舞陽之北東流來會

濃河亦曰澧河皆引舞陽西界魯山南界

裕州北境之三里河三里河水本南流入唐河者于山中分其支津東流出山經葉縣南境舞陽北境又東至郛城南與沙河會共行二百八十里按元人竭澍故汝使東歸潁水遏其南由舞陽以達西平之路致汝寧府所名之汝水全非古之出天息山者沙本入汝又得濃河自西南來會而東於是南北汝水遂判然不相涉也東經城東南又東稍北曲曲流經上蔡縣北

界東至商水縣西北潁水自北來會俗曰沙河口

汝水源出嵩縣西南境南陽府北界山兩源南源曰播

鼓山東北流

西四度五分極三十三度九分

北源曰老君山東流

播鼓

山西南水即南陽湍水之源也老君山西即杏花山又西即熊耳山伊水之源也

數十里合

而東北經嵩縣南境之伏牛山北即古天息山也

源至

此已百餘里

又東北百餘里經伊陽縣城南又東北五十

里折而東南流經汝州城南又東南有一水自北來

注之又東南經寶豐縣北境郟縣南境又東南經襄

城縣城西南又東南八十里沙河西自葉縣來會

源至

此曲折已
六百里

又東南經舞陽東北境鄆城縣城南會西

來之濃河又東北經上蔡縣北界東至商水縣西北

會北來之潁水

自會沙水以
上皆仍古道

潁水源出登封縣北中岳嵩山西南之少室山南流經

城西有二水自西南來會

一出玉寨山
一出其南

折東南流山

中經密縣南境又東南經禹州城北又東南分為二

派一東北流經新鄭縣南界折而東南經長葛縣西

南又南經許州城東北又東南至臨潁縣東境其南

一支東南流曰石梁河經襄城縣東北界又東南經許州城西南又東南經臨潁縣北境東南流與分支復合凡二百三十里也又東南有渚河自西南來會

渚河出汝州東北境山左登封東南禹州西北水東南流山中經州南又東南經襄城縣北境又東南經臨潁縣西南又東南入潁水又東流數十里折而南流於商水縣

西北會西來之汝水俗曰渚河口又東稍北至周家

口有滎陽東南諸水合為一河自北來會

中岳西三度四分極

三十四度七分

滎陽水出縣南境諸山

山脈自鞏縣汜水南界相連而東有無數小水北流合為一

東北流經滎陽縣城東又北流十餘里折而東曰索河即古京索地東經河陰南境有京河西南自瓦礫泉來會又東經滎澤南有潁河南自山中數源合而來會折東南流經鄭州北有東京河西南自山中東北流合一水來會水勢始漸盛矣

自汜水以東凡南岸諸山泉並無北

注大河者隔於河堤引流成渠自滎陽有索河北流

東折經河陰滎澤南境會南來之京河須河又東經鄭州北會南來之東京河又東南會南來之磨河即古溱洧諸水今總名小賈魯河又東南有欒河自南來會又東南經中牟縣城

北自此以下俗曰賈魯河又東南至開封府西南境

朱仙鎮之西

里十餘

折南流經通許縣西境尉氏縣東

境又南流折而東南至扶溝縣北之李家潭西南有

洧川縣雙泊河自西北來注之

雙泊河源出密縣南山東南流經禹州北

境東至新鄭縣城南稍東有黃水河西自山中東
南流經新鄭縣城東來會折而南流至長葛縣西北
境又東流經閿北又東經鄆陵縣北境
又東南經扶溝縣城北東入賈魯河又東南八十

里折而西南數十里又折而東經西華縣北而東又

南流九十里至周家口西南潁汝自西南來會

三水既會於商水縣北折東南流至陳州府南界分
為二派一支南流為項城北沈邱南之過河一支東
南流為沈邱北之沙河過河自商水東南境南流
有支渠西達縣南境與西北來之汾河合其正流東
南經沈邱縣西北境汾河自西北來東南流經項城
縣城北而東會焉又東南經沈邱縣城西南又東南
入江南界經太和縣西境朝陽鎮沈邱集之南又東
南至潁州城北其北支自北來會沙河東南流至

沈邱北境槐枋店南折東北流經界首鎮稅子鋪南
磚橋集北舊縣集西又東南經縣城東南境至州北
境之茨河埠有茨河自北來會又東南與過河會於
州城北又東折而南至八里塚西又東南經潁上
縣城北又東南至正陽關之東北淮水自西南來會

曰潁口

中度極三十三度沙過分流三百里復合
實汝潁也俗于潁州而下概曰沙河沙河過

河之名彼此紛然以時
俗稱呼相沿已久也

淮南運河

自淮以南引支渠因古邗溝南注大江以通漕舟者
運河為大運河西岸即寶應高郵二湖東岸洩水
為鹽運串場諸河北至鹽城阜寧南至通泰港汊縱
橫今記其畧

運河於清口黃淮交會之南分淮水一支東流出 御示閘

折東北流分為二支以節水勢經清江浦前出龍王
閘折向南而東南流出板閘又南流經淮安府城西
稍南東岸有洩水子河口

子河東為澗河東至廟灣
為射陽湖東入海見後

又南流東岸有涇河閘

涇河東南至寶應東匯諸水為廣洋湖見後

又南

西岸為寶應湖北口有黃浦閘

西北去洪澤湖之高家堰僅六十里湖水

湖即南下寶應湖

東岸有支河以竹落壩捍之洩湖水

支河

東南入廣洋湖見後

又東南流

西岸去寶應湖僅數里許

經寶應縣城西

有支河東入城

東入廣洋湖見後

又南流有支河東入廣洋

湖

見後

又南流西岸濱湖有朱馬灣閘支河口又南有

小九旬閘支河口又南有狼兒閘支河口即泥水鎮

也又南有越河閘支河口又南有永安閘有七里閘

俱有支河又南東岸為界首鎮又南西岸濱高郵湖東岸

有支河東出為三王溝

以上諸支河俱匯為廣洋湖北注澗河見後

又濱湖而

南經永安工西有二閘支河又南有頭閘支河

又東合注興化東北

又盛城入海見後

又南經高郵州城西折而東經城西南稍與湖

隔

相去半里一里

東岸有支河口二

俱自州東合流東過興化見後

又南為火燒

閘支河

以下河俱來匯為綠洋湖見後

又東南與湖連岸為露筋祠閘支

河口又南為稽家閘支河口其西邵伯湖也又東南至金

灣東岸有支河口四

俱東匯綠洋湖

經邵伯鎮西又南為三閘東

派為八字河

後見

又南至灣頭鎮西北有支河口又南為

夏家溝口

皆淺水東南為芒
稻河南入江見後

稍折西南流經揚州府城

東折而西南於城南南流分為二派曰三岔河一南流

經頭閘又分支津東南經瓜洲城南入江其正派稍西

南經四閘南入江為運河口

南對江南
之京口

一西南流數十

里有帶子溝北自陳公塘來注之又西南經儀真縣東

北為響水閘又南經城東為通濟閘稍南為羅口閘

經城南而西南入江

南對句容北境之炭渚驛又河
口鎮當江近岸有北新洲清

口東二度六分極 三十三度六分南
口東二度八分極 三十二度四分 運河南北三百

里

寶應高郵邵伯三湖相連實一巨澤即古三十六陂水也北自黃浦閘南至三閘經寶應高郵運河岸西長二百餘里在寶應西濶二三十里自泥水鎮南至邵伯鎮東西濶六七十里狹處亦五十里西北自洪澤湖堤岸以南海渠野水悉以此湖為壑其經流所注有石梁河西自天長縣來注之

口正當高郵西南邵伯湖正西也

石梁河源出天長縣西界覆釜山東南流有汭澗河
自南來注之合東流經汭澗鎮又東經石梁鎮曰石
梁河又東經城北又東經城門鄉之東南入邵伯湖
運河以東洩水諸河其東北於雙洋港當尖港射陽湖
三口入海者曰澗河西南自山陽阜寧東南境寶應
西南東境之水悉會於鹽城北境也自射陽口以南
洩水入海之口有六曰野潮洋曰新洋港皆在鹽城
東北曰大圍口在其東南曰鬬龍港曰苦水洋曰天

開河頭皆在興化東境凡高郵南北支河東趨興化北為大縱湖海溝河東為白塗車路梓新三河由此

注海

寶應水高郵北涇河三王海俱匯為廣洋湖高郵南水俱匯為綠洋湖

至興化

以南水由高郵東南匯為綠洋湖者分流南入大江自芒稻河口而東南上承鹽河之委曰秦塘港曰白塔河曰泰州西南河曰泰興縣南河曰如臯縣南河曰通州南河其江口有六支渠交錯其貫通北南者有二西為臯寧東南境通涇河南為西塘河經鹽城西

境興化北境為大縱湖南夾縣東西復合而南至
泰州北又東南至泰興如皋水亦自東北來會入江
是也東為串場河北自鹽城北境之上岡鎮南經新
興五佑諸場東南至菱角嘴之呂四餘東諸場是
也

水道提綱卷七

欽定四庫全書

史部

水道提綱卷八至十三

詳校官監察御史_臣王爾烈

刑部郎中_臣許兆椿覆勘

總校官知縣_臣楊懋珩

校對官編修_臣沈清藻

謄錄監生_臣王宮

欽定四庫全書

水道提綱卷八

原任禮部侍郎齊召南撰

江上自岷源至會稽沙江於叙州府

大江源出岷山山自邊外地綿數千里禹貢導江之
岷山亦曰汶山今四川松潘衛西北也又有北源岷
山在陝西岷州衛南源又有二岷山一在茂州一在
灌縣皆不如據漢志湔氐道即在今松潘者為是其

最遠之西南源直在河源之西者曰金沙江所合水亦與河源相近曰鴉礮江皆曲折數千里始與馬湖水會而入江其為大江真源乎大江水盛遠過黃河所受納巨川無數自秦隴終南太白商雒房鄆唐鄧以南滇黔五嶺以北靡不並會以東注大海實四瀆第一瀆也金沙鴉礮二源今特詳著於篇次岷源之後

大江源出四川松潘衛邊外西番地之岷山羊膊嶺

有二源北源曰岡出阿林水從東麓東南流

西十三度三分

極三十三度二分當黃河源之東南千六百里山甚高峻其西北麓水即多拉崑都倫河西北流折而西又北入河當河之折南源曰納格多木精阿林從南

麓南流

西十三度九分近十四度極三十三度三分山勢廣博其脉西自金沙北岸河源西岸之

巴顏喀喇山連接而東屈曲蜿蜒數千里不斷其甚高可名者河源東南之烏哈納哈達山又東曰拉穆拖羅海山又東曰哈拉吉達拉克山正在星宿海南又南曰薩喀勒拉克又東曰咱普通古察哈蘇拖羅海山又東南曰察哈里巴顏哈喇山曰瑪穆格屯達巴罕嶺其北水皆入黃河其南水皆入鴉龍江也又東南曰巴顏圖呼瑪達巴罕曰西巴顏哈喇山又東南曰年尼莽起山又東曰紉里古拉達巴罕即黑水

河東流入江之上源也又東而北而東北為納格多穆精山其西水西南流折而西北曰多木達圖崑都倫河北入黃河者其南麓水即岷江南源也北山連接而東為岡出山又北而西北七百里為西傾自河以南之大曲曲二百餘里東流北源自西北來會又祖山也

東流折而東南入邊界黃勝關至漳臘營西有一小

水東北自邊外入弓楨口來注之

西十二度八分極三十二度三分

又南經松潘衛東有東勝河自東來注之

衛西北重山襍皆自

黃勝關外不斷皆曰岷山折東南流有牕河自西北來注之

出邊界山

即納格多穆精之支峰相連而東南者

又南流經歸化堡西有雲長溝

自東北來注又南經北定關西左受二小水右受一

小水

曰山壩溪

南經平番營西又南至靖夷堡西左右各

受一水又南經平定關普安堡疊溪營至長寧堡西

有黑水河自西北來會亦岷江別源也

黑水河即古所指茂州鐵

豹嶺水也源出邊外番地有兩源北源出糾里古喇達巴罕嶺西十四度八分極三十二度七分在岷南

源之西南二百餘里水東北流折而東南曲曲行二百餘里其南源西南自山中東北流二百數十里來

會又東南百里入邊又東南百餘里折南流八十里又折東南流九十里至堡西北與大江會此水源遠

畧與松潘等

折東南流經堡南又東南有黑水寨河自西

來注之又東南左受一小水至魏門關南有小水自東北來注之折西南流經茂州城西北又西南有白水河自東南來注之又西南一小水自北來注之又

西南經威州城西北有保縣水自西北來注之

保縣水曰

孟董溝自西北邊界東南流百餘里至縣北有雜谷關河自西來會經城北折南流經城東南而南合二小水又南至州經城西而南有大溪口水自東來注之

西北入大江

又西南有登溪自北來注之又南流經汶川縣城西

又西南有草坡河自西北合三水來注之

龍潭溝出西北邊界

東南流百餘里至如渴瓦司西南有天鼓水自西來
會東流有沙派河北自保縣西南雪山來會為草坡
河又東南
注大注 又東南經娘子嶺左受一小水南流至灌

縣西北境有納凹河西北自邊界大雪山東南流二
百里來會又南有三江口河西北自邊界龍池合數
水東南流二百數十里來會江流益盛二水亦古所

指別源也

納凹河源之大雪山在龍潭溝西六十里其脉即番地噶察格拉達巴罕嶺之東南

山其北行即黑水河南源之山其西水皆注鴉龍江者也三江口河源出邊界大雪山之龍潭潭廣二
十里在納凹源西八十里西十三度七分極三十一
度五分東南流有一水合三源自西來一水自西南

並會曰三江口又東南有一水自西南來注之又東南流折而東與大江會江水折東流

經尤溪口

尤溪小水也又東經玉壘山有白沙河東自北來注之

北來注之

水出威州東南境山折而南曰灌口經縣西南流二百餘里

城西曰湍江亦曰都江即古離堆地江至此分為二

派支渠縱橫其南流者正流也其東流經郫縣新繁

成都新都金堂南經簡州資陽資縣富順至瀘州復

合者沱江也

沱江見後

正流南二十里又分二派東南流

曰黑石河又南有支渠與西流通又南經崇慶州東

為白馬河其西派南數十里有小水自西北來會經
白塔山東而南又分二派一派東南流經州城西曰
西河又東南流而白馬河自東北來會又東南曰白
西河有自溫江縣西分出之羊馬河自東北來會經
新津縣城東北有金馬河自東北來會南流經城東
而南有崇慶州西北所分之西南派南流又分二支
東曰溪木河西曰乾溪河者東南復合至縣城南會
大邑邛州蒲江三水來會

大邑縣水出西北霧中山山
甚高險其西水即小金川

為大渡河上源也水東南流經縣西南境又東南百里南河合蒲江自西南來會南河三源出邛州西北圓覺山者北源至牛心山者西源出伏牛山者西南源也流至州西境而合東經州城南又東南北各受一水曰南河東南流至新津西南境蒲江水自西南來會蒲江縣水有二一西北出百丈驛西山東流百五十里至縣東北境一西南出丹稜北境山兩源東北流經縣城東南又東北與百丈驛水合又東北與邛州南河合又東北與溪木乾溪河合經新津城南而東與大江正派會稍東沱江支渠曰石魚河楊柳河俱北自溫江來會南流江心有石灘又南左受一小水又東南沱江支渠曰新開渠東北自府城南合黃龍溪水西流來會

成都府城環以沱江自北

而東南者曰外江一名清遠江自北而經城西又東經城南者曰內江亦名石犀渠皆西北從郫江而分者也至城南外內二渠復合而西南流有新開河北自郫縣之南溫江縣之北東南流來會又西南流百餘里有龍溪自東來注之又西南入大江自灌縣蒗口支流分三道東南流其經郫縣北者即郫江亦曰北江俗曰由子河至府城西北依城而東而南即外江也其經郫縣南溫江縣北至犀浦南而東經府城西而東南者即內江俗曰走馬河也其由郫縣西南而東經溫江城北而東南至府之南境會內外江而西南者新開河也溫江以西曰石魚河自西北分江水東南流至雙流縣折西南流有揚柳河自溫江城南來會又西南會北來之金馬河又南流至新津東南入大江右郫縣成都之內外江新開河皆分沱江之支流先西南於新津之南復與江合其東經新繁新都北會綿雒諸水南至瀘州入江之沱水

見後又南經彭山縣東有蟠龍山水自西北來注之又

南經眉州城東臨暮頤津有两大洲

一圓一長在城東

又南

折東南流有水自西北來注之

水出州北境山南流經西境東南流入江

又西南流有水自東北來注之

水出仁壽縣東北山西南流百餘里入江

又南經青神縣東南左受周家山水

水出井研北山西北流入江

右

受丹稜之新磨河

新磨河出丹稜縣西南山東流經城南又東南流有赤崖山水自北

來注之又東南入江

又南右受金牛河

河出夾江縣北之萬松山東南流折東入江

又南出重山西南至嘉定府東北左右各受一水

井研

縣尼溪東北自東川溝西南流合諸水來注之竹公溪出嘉定府治樂山縣北石牛山東南流來注之

南經府城東南有陽江西自大渡河東北經峨眉合

北來之青衣水東流繞城南來注之

陽江即大渡河源自灌縣西南

境大邑縣印州西北境霧中圓覺斗心三山以西諸山三十三度八分極數水西南流經小金川司大金

川司南北合數小水至上下魚通曰大渡河又南有格霍河自東來會折西流有瀘河西南有打箭爐來

會西十四度六分極數三地二打箭爐瀘河源出西南大雪山三池泉水匯而北流合西二小水東北流

經爐南有木鴉河自西界山來會又東北有東波河西北自邊界山來會又東北經楊柳南北受一水又

東流南受一水至大岡北與大渡河會大渡河會瀘河折東南流至安定橋折西南流又折而南至化

林營西左右受小水甚多又南稍西右受什月河水
又南折東南流有松林河鹿子河自西南來注之始
折東流源至此即巴諸水入鶴龍江外即邊有老鵝河自
西南來注之又東北至晒經闕北有水自南來注之
經闕家營南有流沙河西北自飛越山仙人洞合黎
大所諸水來注之又東流北受金水河折東南流北
受一水又東南有越嵩河自西南來會越嵩河源
出越嵩街南山兩水北流至陶家營合而北流經衛
東東北流有猓擺河自西來會又北會臘梅營水又
東北百數十里有寧越營水自西來會又東北百餘
里會大渡河河在大渡河入東南流經峨眉縣西南境
大戛山前河在六十里之有小水二自西南山合而來注
之折東北流有水西北自大戛山麓來注之又東經
三戛山麓又東北至嘉定府西南境有青衣江自西
北來會青衣江源出蘆山縣東廬山今曰伏牛山
西麓其東水即邛州之南河也數水合西南經縣東

又西南有木砮司水自西北經縣城西而南有硯所
城數水自西合而東並會曰三江渡南流經飛仙關
有水自西來合榮經水來會於雅州府西境榮經
水出榮經縣東南瓦屋山二源合西北流曰周公水
即經水也至城東北有水西南自黎大所北山三源
東北流合經城西與西北來之榮水會而東北合焉
俗曰長瀆河印硤九折坂在縣界青衣江既會榮
經水折東流經雅州府城北又東有白崖山水自東
北來注之折東南流有夾佳溪西南自州南境來注
之又東南有水西南自山中來注之又東南經名山
縣南境有百丈山及蒙山水自縣東北合而南流來
注之又東南百餘里至洪雅縣城南左右受小水稍
東折而南有二大灘經百松山麓有川溪河西南自
大峨北麓東北流合一水來注之又南經山峽中數
十里至夾江縣西又東南有水自縣東北來注之至
此始名青衣江經峨眉縣東境有粗石河自西北來

注之又東南有三峩水自西北合而來會三峩水
三源北源出大峩東麓東北流經縣城北折東南流
二峩北麓水自西南來會又東南三峩北麓水東北
流來會曰羅目江又東匯青衣江青衣江又東南經
嘉定府西境而陽江自西南來會陽江即大渡河
既會青衣於城西雙湖東流經城南東至烏尤山下
入大江按大渡河自北而西而又東南流至犍為
西南而東而東北曲行千五百里

縣北境有四望溪合數小水自東北來注之曰溪口
稍南有小水自西來注之又東南流有羅葉溪自西
來注之又東南經縣城東北而南有水自東北來注
之又有清水溪西自馬邊營來注之

溪行三百里

又南有

大沫溪自西南來注之

即木川司南水

折東南流有龍溪自

西南來注之又東南其東岸有水三自東北來注之

又有真溪河自西北來注之又東南經叙州府治宜

賓縣西北境之朝陽崖下又東南經府城北又東南

金沙江合鴉龍江諸水西南自馬湖府來會於是江

流大盛矣

叙府西十一度七分極二十八度七分計岷江自源至此南行一千七百里

金沙江即古麗水亦曰繩水亦曰犁牛河番名穆魯烏

蘇

亦曰母藟鳥素音之轉也

岷江最上源也出西藏衛地之巴薩

通拉木山東麓山形高大類乳牛即古犁石山也

西二

十五度四分極三十四度六分在黃河源之西徑一千五百里若岷江源則相去二千八百里矣山脈

自岡底斯山蜿蜒而東至此為諸山祖其西麓水為雅爾嘉藏布河西流入喀齊國東麓水為金沙江土

人一名犁牛河一名布賴楚河又名巴楚河東北流折而東南又東北流

凡三百餘里其西北一源最遠出巴薩通拉木之西

五百里山曰勒斜爾烏蘭達普蘇阿林

西二十七度五分極三十

五度六分山高大石多赤色兩崖產紫色鹽在黃河源西二千餘里也

水曰喀齊烏蘭

穆倫東南流曲曲凡九百里東流來會又東北流其

南一源出拜都嶺北流曰拜都河自南行三百里來

會水勢始盛

拜都嶺在巴薩通拉木山東南三百里西二十四度二分極三十三度九分其

西為噶爾占古察嶺又西為巴薩山

三源既合東北曲曲流有阿克達

木河合二水自南來注之

阿克達木河源出布哈山東北阿克諾木琿烏巴什

嶺北之特們迪拉二池東北流百餘里有二水一自東北來名伊克阿克達木一自西來名巴哈阿克達木合為一水西北曲曲東北流五百數十里入金沙江北流稍折而西北有托

克托噶烏蘭穆倫自西北九百餘里曲曲流來會托

托噶烏蘭穆倫源出勒斜爾山東北四百里之西金烏蘭拖羅海山西二十六度極三十五度九分東流

曲曲八百里與金沙會自此山綿亘而東繞木魯烏
蘇之北千數百里皆名巴顏喀喇山自北而東南此
山之陰即西海部又北百餘里折而東流又東南有
界黃河之源也

博囉必拉會枯藍諸水自南來注之

博囉必拉源出
伊克阿克達木

河北之察蘇拉圖山二水西流而合又西北而北流
二百里烏蘭必拉及庫博琿必喇自東南合而來
會烏蘭必拉出格爾吉匝噶納山之西麓有烏蘭
池池周七十餘里自西流出為必拉曲曲流百餘里
有巴圖拉水南自多倫巴圖爾嶺來會又北流有庫
博琿必喇東北自二池南流合而西南而西百餘里
來會又西北會博囉必拉又西北五十里有郭如克
必喇南自察蘇喇圖山之西北麓北流來注之又西
北折而東北流曲曲四百餘里入金沙江烏又北
蘭池東格爾吉匝噶納山其東即瀾滄源也

而西北折向東流有棟布倫山左右二水北流合而

來注之

棟布倫山在庫博源二池之東北自格爾吉
匝噶納山而北有賽音庫博琿山連岡相接

其北即棟布倫山蜿蜒而北二百餘里有二水一出
其西一出其東夾山而北數百里合而西北流入金

沙又東百餘里至納木塘隆山北古爾班博羅齊山

之西南

西二十二度極三十六度自源
東北流至此已徑一千四百里

始折東南流

有圖呼爾河及烏捏河自南合諸水來注之

此水三
源西南

源出格爾吉匝噶納山之東北同布勒西洛西山一
曰空楚河一曰和秦河兩水北流而合東北經浩勒
嶺及和呵洛浩勒查罕峰之東北有水南自卓爾長
山之北麓來注之此山西南麓即濶滄北源也 又

北流百餘里東南源至額爾吉根嶺西流折而北合
一水北百餘里西流來會曰烏控必喇北流經巴木
巴拉嶺西曲折流至薩拉又東南屈曲流有納木齊
隆塔拉山北入金沙江

圖烏蘭穆倫西北自巴顏哈喇德里本山東南曲曲

流八百餘里折西南流來會

巴顏哈喇德里本山在西金烏蘭拖羅海山之

東北四百餘里西二十四度五分極三十六度四分
山甚高大水東南流其北岸連山疊嶺相接不斷至
阿木齊齊山之西南古爾班博囉齊山之東北折而
南有小水自東北來注之又南折而西南與金沙江
會金沙北岸有三大水來會指喀齊烏蘭穆倫又
及托克托烏蘭穆倫與此河也水皆深濶難渡

東南流折而西南又南岐為數派二十里復合東南

有濟渡

土人曰多倫鄂羅木衣多歡水至此分為七岐故名衣多歡華言濟渡

又東流

有庫庫烏蘇東北自巴額喀喇西倫依山來注之

山

北自阿木齊齊山來甚高大西二十一度極三十六度即崑崙之祖山也又東南三百餘里為黃河源之

巴顏喀喇山矣山南有池泉水西又東有濟渡人

曰巴木布勒依多歡此及金沙源之呼爾哈渡拜折都渡及阿合達木河之哈喇烏珠爾渡皆馬渡也

而西南有小水自西來注之又南岐為二派三十里

復合南流左受一小水當音德勒圖西勒圖山及特

們烏珠山之西南麓

山脈自巴顏山東南行百餘里一支西南為音德勒圖又南而

西為特們烏珠皆高犬相連又一支東南為古爾班

有水東自古爾班圖爾哈

圖山合諸水來注之此水源隔山之東南即黃河源

也古爾班拖爾哈圖山南麓有水西流曰圖哈爾圖哈喇烏蘇西南流九十里折西北曲曲六十餘里

有克爾森齊老河東南自阿拉爾巴顏喀喇達巴罕之西北麓來注之此水源隔山之東即黃河南源也此

水西北流百二十餘里合北流折而西南有茂伸和爾和河自南來注之又西南五十里有噶布拉河自

東北來注之又西南三十里入金沙江此一水真在崑崙西麓與黃河二源止隔一山折南流

有水自西來注之

曰伊克庫庫色必喇二源合東流入金沙江

有船濟渡

曰依克庫庫賽音伊多歡

又南百里有水自西南來注之又東南

折而東有池水自東北來注之

池廣二十餘里

又東南有水

自西南來注之有舩濟渡

水曰巴哈庫庫賽必喇濟渡處冬春用馬夏秋用皮

舩又東折而南曲曲百餘里又折向東百五十里有

水東北自咱佛洛巴顏喀喇達巴罕來注之

水曰納林喀喇

烏蘇此山西北即拉木拖羅海山又西即烏哈納達此山之東北即哈喇吉達拉克阿林其東南即薩

喀勒拉克山北又東七里有齊齊爾哈納庫庫烏

蘇自南合諸水來注之

蘇克布蘇克木山自瀾滄源諸嶺綿亘而東南至此有七

大山流出七大水又有威伊穆扎鄂模色勒促鄂模二池之水俱東北流近者八九十里遠者百餘里會

而為一名齊齊爾哈納庫庫烏蘇又三十里入金沙江此河頗大無船可渡又東五十餘

里有特墨圖水自南來注之

水出達克木喀木咱噶山二源俱西北流六十

餘里合而北七十餘里入金沙江

又東三十餘里折東南流百里有

小水自北來注之

水出巴顏喀喇達巴罕之東高山東南流折而北而西南入金沙江

又南有小水自南來注之

水西南出扎蘭祖山東麓

又東南百

里有小水自北來注之

水出匝巴顏喀喇山之西南麓南流百餘里入金沙江此

水隔山東北即鴉龍江源西去達巴罕百五十里

又南流百七十里東北有

小水西北有角拉克池水來會

角拉克池周六十餘里在蘇噶莽河屯北

百六十里水南流折東流七
十餘里入金沙江水如十字
又東南二百數十里入

喀木境有水兩源自西北合而來會始名布賚楚河

亦曰巴里楚必喇自那木唐龍山東南至此約千二
百里所會水二源西南源在蘇噶莽和屯之東山
噶拉達巴罕之北有泉十數泓匯為一水東流曲曲
百五十餘里西北水二源東南流合而東南二百里
來會又東二十餘里入金
沙江亦曰布倫楚必喇
又東南六十里依山麓折

西南流一百四十里又東南流二百里經冲郭廟北

有水自北來注之

水出朗朗普格山東南流折而
西南曲折三百里入金沙江
又

東七十里折而南有濟渡

曰丹冲郭勒多歡其
西即冲郭里廟境

又南

二百里有水自東北來注之

水出里遠達巴罕西南流折而西北又西南共

二百餘里始少折而西南流二百餘里至里木山之

西南拉都格巴之東北有水自西北合二水東南流

來會

水流四百餘里入金沙江

又正南流三百里至達拉哈達之

東越里喇達巴罕之西又少折西南流二百餘里至

巴塘城西境有水自東北合二水來會

一水出越里喇達嶺南麓

西南流二百餘里其東南一水西又南經巴塘塔拉

西折西南流始名巴楚河有濟渡

曰萃多昏亦曰巴楚必喇多微自巴

里楚至此南流稍西一千百餘里

折南而東稍北而南而西南百數

十里有水自西北合三水來注之

水出巴河屯西北百里重山中西南

曲曲流三百里有一水自東北山來會又南折東南流百餘里有一水自西南山來會又東稍南九十里

入金沙江又東南流百里有敦楚瑪楚碩楚三河自東北

合而來注之

敦楚河亦名登楚必喇源出岡里拉瑪爾山西南曲曲流二百餘里折東南流

百數十里有扎木哈達山流出之瑪楚必喇即瑪楚河也自東北來會又南百餘里有碩楚河自東北來

會碩楚河即縮初必喇源出岡里拉麻爾山東北之噶木布魯哈達山東北麓南流曲曲二百數十里

經薩木品靈廟東有池水自東北來注之又南百餘里折西南百五十里又西九十里與敦楚河會又西

南八十餘里入金沙江

又東南九十里有水自東北來注之

在市木匝喇巴西南

又東南有水自東北來注之

水源出八突馬

郭楚山西南流經東噶里河屯南樂達瑪達拉北又西南匯為圓池又西南流南入金沙江

又東南百數十里流入雲南麗江府西北邊界塔城

闊之東

自巴楚渡東南流至此計六百餘里

又東南右受一小水又東

南經巨甸汎橋頭汎東右受小水二

一西北自魯甸北山東南流經

巨甸汎南東注之一自橋頭汎西南東流注之

又東南至石鼓汎北右受一

小水

水二源一出拉巴山東南流有一水自西南來會東流數十里又受南來一水東北流經石鼓

汎西北入金沙江正當江之曲處此汎以
北金沙之東岸北岸及無量河皆蒙番境始折而東

北流經阿喜汎北又東北經麗江府北境雪山之北

曰金沙江

自塔城關東南至石鼓二百數十里自石鼓東北至雪山又百餘里

始折而

東南八十里左受小水又南流經府東南境有無量

河北合里楚河諸水東自永北府來會

無量河上源曰多克楚河

亦曰多喀碩河源出陽頂文廟西北之沙里楚諾爾
池東南流折而東北百七十里又東南數十里折西

南流三百餘里折東南流百餘里有里楚河自東北
來會里楚河最遠源北出里母山東麓東流折而

南而東南二百餘里有沙魯齊山之水自西南來會
又東流百里折而南九十里又折東流而東南二百

數十里至里塘城東南有二水北出博多拉達巴罕
一東南流一西南流凡數百里合而南又百餘里來
會又西南流四百里至密里拉岡地會無量河又東
南七十里入雲南邊界經永寧土府西北之波羅西
南之大地凡二百里其西岸為蒙番界也又東南折
而南有小水自西來會折東流而東南俗曰五郎河
有六河合為一水自東來會於永南北府之北境六河
在府東北境曰走馬河三源合西南流曰站河大松
河西北流來會曰清水河西流而北來會曰西卜河
南流注之又西南入無量河也又西南流有觀音河
南自府城東合諸水繞城北流來會又西又南百里
南入金沙江此水源流千數百里頗大又南百里
一水東北自土順州來一水西北自鶴慶府來會鶴慶
府水即鶴川亦曰漾共江源北出麗江府西北之玉
龍山即雪山也南流經府城西折而東經城南有一

水北自雪山東麓南經城東來會折西南流經鶴慶府城東而南有一水西自城南來會東南流經落水洞有二水自西南來注之又折東北至江邊村流入金沙江正對順州水口又南流折而

西南又東南流有枯木河合諸水自西南來注之枯

河源出鄧川東境珥海之東北大山二水東北合流曰清水河至坪得村北有白牙河西自白牙廠來會又東流有高間河自南來會又東北流入金沙江又東經賓川州北境陶營

巡司前有三道河自西北合來注之三道河源一曰程海在土順州

東南境海腰鋪之西長四十里濶二十里水南流有北水東北來與東之大冲河來會而西流與合又西南流合一小水又南於巡司之稍東有荅旦河南自州東南入金沙江曰三道河

城來注之

兩水北流合而東北經州城西又北經蔡

官營西北有難足山冰自西南來會難足山即九曲

巖也又北至片角西有一水自東來會又北有一水

自西來會經峇旦

東北入金沙江又東流折而東南經姚安府北境

有一泡江西南自雲南縣來注之

一泡江源出雲南縣西北梁王山東

南流經縣城北又東南數十里折東北流二百餘里

有 you 甸河西南自賓川州東南境合數水東北流至

人投闔南來會又北流六十里有白鹽井水東南自

大姚縣西北境來會又折西北流經鐵鎖營西又折

東北流入金沙江

此水於梁王山南流處又東

分一派經雲南縣城西而南為河底江之上源又東

經大姚縣北境有小水二皆自南來注之又東北經

苴却營北山有大羅河自北合永北土府東南境諸

水東南流注之

大羅河出永北府東境山東南流有一水自西南來會東北流百里有泚那河

自西北合四小水曰泚那河東南流來會又東南流入金沙此水東北岸即四川界又東三十

里鴉龍江自北來會南岸雲南界北岸四川會川衛

界也

鴉龍江即古若水一名瀘水又名打冲河源出西番裏

塘城西北九百里之匝巴顏喀喇山東南流曰咱楚

必喇

西十八度九分極三十四度三分其山西北自金沙北岸黃河源南岸之阿拉巴顏喀喇嶺東

為咱佛洛巴顏喀喇嶺又東南此山高大東麓水南
流數十里折而東而東南流二百餘里有一水自西
來會亦出此山之南阜實南源也又東南有一水自
東北來會番人呼為匝齊其哈納必喇亦曰齊齊爾
哈納河也此山西北去河源僅一度五分其西北即
薩喀勒拉克山其正北即咱普通古察哈蘇拖羅海
山自此而東千餘里山北水又南流百里一小水自
皆入黃河山南水皆入此江

西山來注之

自此而東南凡西南岸山相連西南流者俱入金沙江東北流者俱入此江

又曲曲東南百餘里有二水自北來注之

其東水曰瑪木齊其

拉哈納必喇水頗大

又東流八十里有水自南山中三池東北

流注之

水在朗朗普格山之西南其山脉西北自鴉龍江源南行曲曲而東南七百余里當巴里

楚河折向西南之東岸山中一水東北流匯為拉木
楚池廣五十餘里東北流出為囊必池廣六十里西
北流出為噶拉木池廣五十餘里兩旁皆山東北流
百里有一水自西南來會又東北數十里入鴉龍江

又東有小水自北來注之又東南流有水自西南來

注之又東南有水自西北來注之

水出巴顏圖呼瑪達巴罕之西重山

中東南流二百餘里來注之

又東南有水自南來注之又東南百

數十里有一水自西北來注之

水出巴顏圖呼瑪嶺之東山南流折而東

南曲曲行三百餘里來注之

又東南至巴顏喀喇巴林之南

山西南百

餘折而南流又東南百餘里有二水自西南合而來

會又東流百餘里土人名為匝楚齊其拉哈納必拉

折東南流至瑪木巴顏哈喇山之西南地有一水自

北合諸水來會

水曰瑪木齊齊爾哈納河一源出山東南流百數十里有兩源水西南流

合自東北來會又東南流百數十里有彌納格楚又必喇自東北來會又西南流七十里入鵝龍江

南稍東百五十里有謝楚河自東北來會

謝楚河出年尼莽起

山南流曲曲三百里折西

折西南流四十里有鄂伊

楚爾古河自西來會

鄂伊楚爾古河亦曰敖楚里必喇源出澤塞岡嶺之北大山南

流曲曲西南流二百餘里折東流二十里有尼雅克楚河自東北來會又曲曲東南流三百餘里折東北

流八十里
入鴉龍江

又東南流百六十里有水東北自噶察格

拉嶺來會

噶察格拉嶺甚高水南流折西南二百里與東南來一水會又西南百里入鴉龍

折西南流百七十里有水自西北來注之又南流八

十里至瑪拉木岡嶺之東北地折東南流百餘里又

折西南流七十餘里至濟渡處

曰巴拉瑪實蘇多歡亦曰必爾瑪諸蘇穆

渡即喀木諸番人東往打箭爐販茶路也渡在打箭爐邊外西二百七里

又西南百里曰

鴉龍江南入四川占對界有小水自東北來注之南

經安撫司西而南

自此而南江之東岸為四川邊界江之西岸為番地

有三小

水自東北來注之又南有霸涖河自東北合諸水來

注之

水出打箭爐西南境山西南流合南北數小水經占對東南境西南流注之

又南經

喇滾司西有水自東來注之又西南流折而東南有

二水合自東來注之又南有二水俱自東北來注之

又東南

西十五度四分極二十八度自源至此已徑一千八百里自占對至此南北徑五百里

有打冲河自西來會折而東流鹽井河亦自西南來

會俗俱名打冲河

打冲河有四源南源出雲南永寧土府南境山東北流曰開基河行

百里折而北流經申母山西麓有一水自西南來會又北至府城東南又有一水自西南來會曰三岔河

北經城東而北有一水西自無量河東岸高山來會
東北流經烏角寺東南入四川鹽井衛西北界甲母
山之北東數十里有水西北自番界來又有瀘枯湖
水自西南來並會又東數十里入鴉龍江瀘枯湖
如曲項葫蘆在永寧土府東南境甲母山之東尾廣
二十五里迤而東北經川界甲母山之南左所山之
東中有三洲東北曲曲流百餘里入打冲河打冲
河即古瀘水其北即西番界番人名黑惠江一名納
夷江既入鴉龍又名鴉龍江為打冲河也鹽井河
源出鹽井衛南境山之龍塘西北流折而東北六十
餘里至衛西南有二小水東北自衛東山合經衛南
西流來會又西流百三十里會南來一水折西北流
有水自雲南浪渠土州界合三水來會又北八十里
有水自東來會又東北流百餘里入鴉龍江浪渠
土州東南二水合流曰麥架河西北流經州西境而
北合三小水又西北流曰垓開河有小水自西來會

東北入四川界數十里有別列河西自永寧南界東
流來會又東北有一水自西來會又東北數十里與
東來之鹽井河會 自鹽井衛西北界折而東流曰三渡水又

東有二水自北合而東南流注之又東有瓦尾山水

自東北來注之折東南流經建昌府西南境右受小

水二左受小水二

東流至此二百餘里

始折正南流三百餘里

左受一小水右受五水

曰左所河自鹽井衛東東南流注之曰得石河亦東南流

注之曰淑崖河自衛南山東南流注之此水稍長曰
那噶河西自雲南界山東流注之曰紅果河亦自界
山東南又東南有安寧河北自寧番衛經建昌合諸
流注之

水南流來會

安寧河三源北源出寧番衛北山南流合三水曰瓦那河又南合西北來一水

南經衛東南而南其西源自衛西南來會西源三水
一東南流一東流一東北流約二百里始合曰小村
河東北流折而東經衛南與北源會又南經三家營
東冕山營西至松林西北有東南源水自東來會
東源二水一西南流一西北流百里餘合西流經冕
山營東南有小相嶺水自北來注之又西南流曰瀘
沽至松林北與二源會又南流曰安寧河右受一小水
又南經禮州所西有熱水河自東北來會又南經建
昌西境有水自東北來經府城南合南來之熱水塘
北來之城西水而西來會又折東流復南流經河西
所東祿馬站西又南有高橋河合三水自東北來注
之又南經德昌所東南有苦馬河自西南來注之折
向東南流一小水自北來注之又東南有落腰河自
東北來注之又折西南流有梁山河東北自阿泥來

注之又西南至公母營西北有水自東來注之又西南經會川街西北有一碗水東自分水嶺來注之又西南經迷易所東又西南與打冲河會此水南流八百里自大渡河以南越篤河以西諸山之水並會

打冲河既會安寧河折西南流經烏喇渠渠南金沙

江自西南來會

會處在會川街西百十里南岸雲南大姚縣東北界也西十四度六分極

此江源遠不及金沙流盛相似亦大江一源也

金沙江既會鴉龍水勢甚盛又東南流百餘里

四川會

川界西南岸

有大姚河自西南來注之

大姚河出姚安府南境山

北流經府城東而北西北流至光祿鄉有小水自西來注之亦曰螳螂川折東北流有小關口水自東南

來會又東北至大姚縣南有蛟龍江自西北山經城
西來會又東北流百七十里有一水自西來會又東

北八十里折東又東南數十里有黎溪水自北來注
南流入金沙江

之水出會川衛西南山經黎溪站口西南流注之又折南流經姜驛西南折

而東流經和曲州西北之巡司北有龍川江西南自

鎮南州楚雄府定遠廣通合諸水來注之龍川江出鎮南州西

北山二源合東南流經州城南又東南至呂合西有
紫甸河二源合自東北來會又東南有一水自西南

來會東南經楚雄府城北而東有青龍河南自南安
州西南來經府城東而北注之折東北流至腰站北

一水自東南來注之折北流至琅井東南有定遠縣
西北水自西來會又東北經廣通縣北有水南自縣

城西來注之又東北九十里有水自西自山中來會又北流經元謀縣西境又北有水自縣城北西北流注之又北數十里有水合兩澗自西南來注之亦曰西溪河又北至龍街子西北折東北流入金沙江又

東經武定府北境之白馬口南岸有和曲州水自西

南來北岸有會川衛水自北來並會

大環州水出南境大麥地西北

流折而東北合東南來一水東北流百餘里經州城東有暮連水自東來會折而東北數十里至白馬口入金沙江會川衛水出衛北分水嶺兩源一南流一西南流合而南經衛東又曲曲南流合西北來一水又南有東安河東北自魯魁山又東北經獅子廠姜州堡來注之又南流入金沙江

南府境及祿勸州境之北灑馬基

南岸雲南界北岸四川界又東

北有普渡河南自雲南府治昆明縣之滇池滙呈貢

晉寧昆陽諸水北流會安寧富民及武定祿勸諸水

來會

滇池在雲南府南二十里度七分極自府城西迤東南至呈貢縣西南折而西安經晉寧州北

又西南至昆明州東北斜長百二十餘里東西廣三四十里不等其上源即府城東二河源出東北嵩明州接界之山二水合南流又分為二俱南流經城東而南注滇池又一源在府西境山中東南流入池在碧雞關北三十里關之南即太華山當池西岸滇池即古黑水亦曰昆明池也呈貢縣北有水西南流經板橋驛西又南折而西受北來一小水又西南入池池經縣城西稍南又有二小水自東來合注之池又西南經晉寧州北而西有一水自西南山北流經城西北而北注之池又西南經昆明州東北有小水自南

來經城東而北注之池於州東折而北經六街子東
始西北流出一河至安寧州東南有一水自西南經
三泊廢縣南又東北流來會又北經州城東又北經
太華山西又北循西岸山麓曲折稍東經富民縣城
東南又東北百里至祿勸州東南境有烏龍江合掌
鳩河自西來會烏龍江即武定府西南水掌鳩河即
府北境白馬口東山所出南流經上撒甸南杉松營
東而南經州城之東者也又北曲曲曰普渡河行二
百餘里入金沙江正武定府
東北與四川東川府接界處
金沙江既會滇池水東
北入四川東川府界經雪山北有玉虹河西北自苦
竹壩來注之水出會理州西又東數十里折而北流
北山合數水
八十里有會通河西北自會理州城合諸水來注之

水兩源出州北山南流百五十里其西北一水東南來會又東南流八十里至州北有蘆那山水自西南來會經城而東南流四十里有一水自東北來會於梁山之麓又東南七十餘里入金沙江又北

折而東流有小江自南來注之

小江源出雲南尋甸州西南之清水海形

如懸瓠周二十餘里東北流經州西境百里至空山西有小水自東來會又東北入東川府南界經涼水塘西北折西北流經阿汪東又西北有滄溪自南來花溝自西南來俱會滄溪南出尋甸西北界山北流經花溝却東花溝出南山北經玉龍村東者也三水既合經必古壩西又西北流受西南來一水又折北流經府西北境有小水自則補汎西流來又折西北會西北入金沙江江亦折而西北流也

流四十餘里折東北流六十里有以禮河東南自東

川府城來注之

以禮河源出府南境有池泉西北流折而東北有反補地南北二水自東

南來會曰以灌河北流又有洛泥河自東來會折而北流經府南境而北經城西又北百餘里入金沙江

又東北五十餘里折西北流百餘里有牛欄江自東

南合雲南貴州界上諸水來入之

牛欄江上源即雲南尋甸州南之車

洪江也車洪江源出雲南府東北之嵩明州有數水西南有四源西一源西北一源東北一源或經州城

東或經城西至東南境河口合而東流折東北百餘里至尋甸州東南有一水西自城南來會又東北有

龍潭河東南自曲靖府馬龍州合一水來會又東北百餘里至霑益州北界有沙河河西自東川界東流

注之又東北為兩省界百餘里折而西北入東川界又北經者海汎東江邊塘西又北有水自東來注自

此東岸為貴州界百餘里有水自東來注之又北至
烏蒙土府南境曰牛欄江西北流有小水自東北來
注之又有頭道河西源自東川東北之墨土溪合數
水來會又西曲曲數十里至索橋南受一小水又西
北百五十里入金沙江出貴州界者南曰瓦擦河
出威寧州西南境兩水合西流入沙河又有松樹河
西北流入沙河北曰烏蒙箬河自府西北又北三百
境二水合西流入沙河以下為牛欄江

餘里左右受數小水經烏蒙西北境馬湖府西南境

西十三度四分極
二十八度三分
折東北流二百七十里至蠻夷司

南有馬湖水自西北來注之

馬湖西自黎州山東南
流八十里有水自西南

來會曰黃鐘溪東北流百里有二水自西北合而東
南流來會又東北百餘里曰芭蕉溪折東南流至中

都西南有水自北來注之又東南七十里至蠻夷司北有水自北來注之又南經司東南入金沙江在府西八折東南流三十里經平彝司南有大鹿溪自西

十里折東南流三十里經平彝司南有大鹿溪自西南合二水來注之又東流六十里經泥溪司南又東

至府城南有三渡水自南來注之又稍東北流北岸

受小水二

俱府東水

南岸受小水一又東至安邊鋪南有

橫江西南自烏蒙土府合諸水來會

橫江源出烏蒙土府東南龍洞

山下之大湖西南迤延五十餘里西流折而北有二水自西南合而來會又北匯為一湖經府西南又西北流有梁山水自西來會折東北流百餘里又北流曰撒油河經雪山東百餘里有一水自西南來一水

合二溪自東南來曰各魁河並會又北流數十里有
會通溪自西來會又折東北流經筠連縣高縣西境
曰大文溪有小文溪自西來會又東北經慶符縣西
境始曰橫江又東北九十里至安邊鋪南北入金沙
江此水源流曲折行五叙州府治宜賓縣西南境也
百餘里亦曰石門江

又東北八十餘里經府城南又東北岷江自西北來

會

西十一度八分
二十八度七分

會口在城東數里其南有來復

渡水自西南來注之

來復渡水上源曰宗江有六溪
皆出南大山流至平寨而合東

北流經高縣城東折西流而北有羊落溝黑挑灣二
水自西南來東北流經筠縣城西北又東北流至高
縣城西北來會又西北曲曲經慶符縣城南而西
而北又東北曲曲百五十里入江正對岷江口

按金沙自犛石發源東北流折而東南又西南折而東南至麗江府界已四千二百餘里自雪山北折而南經鶴慶東又南折而東經永北南姚安北又折而南而東北經會川南武定北東川西又折而北至馬湖南又折而東北至叙州府城東與岷江會又二千五百餘里源遠流長所受大水數十小水無數雖灘多石險舟楫難行其為大江上源無疑也

水道提綱卷八

欽定四庫全書

水道提綱卷九

原任禮部侍郎齊召南撰

江中

自叙州府起至武昌府會漢水

大江自叙州府城東北流有福溪自北來注之

福溪出富

順縣西南境山南流約百數十
里至府東北境折東南入江

又東北經南溪縣西

南有桂溪自西北來注之

桂溪出南溪縣西北山東
南流至縣城西南入江

又東數里折南流中有巨灘又南十數里有小灘又

折東流有安寧江西南合珙縣長寧興文諸水來注

之

南溪縣西江心有石筍灘其東一巨灘當江流曲處銅鼓灘也又南十數里又有石灘當江安縣之

西北灘南即安寧河口河口之東即江安城安寧河即綿水珙縣西南之珙溪其源也東北流百餘

里至安寧鎮南有長寧縣東西二水至縣北東北流合東南來一水又東北合興文縣東北流之一水

又北至鎮南來會經梅嶺西又東北百餘里至江安城西北入江興文縣水即三渡河南出八望山北

流者東經江安縣城北折東南流有怡樂溪自西南來

注之又折而北十數里有上下二溪自北來注之又

折而東二十餘里有清溪水自南來注之又東北流

有二巨灘北受小溪水又東北經納溪縣西有納溪

南自永寧衛來注之曰納溪口

納溪俗曰清水河源出永寧衛有兩源一

東南出貴州永寧縣摩泥站界一南出雪山北流經唐家灣與吼西關北水曰道場溪者合東北流至衛

東南與貴州界水合而北數十里東受二小水又北有落巖河二水北至大壩寺合東北流又南受一水經瀘衛東又北受西來一水又東流來會又北又北曲曲二百餘里至納溪縣南境折西北流入江

有小水自東南來注之又北折東北流經瀘州城南

而東沱江合諸水自西北經州城北而東南來會

沱水

自灌口東分為三渠北曰太平二河南曰柏木河俱東流太平二河經崇寧縣北而合又東有濛水自西

北來注之又分為三派拍木河東南流稍折而東北
至焦沙尾之南四渠俱合東南流會北來綿雒諸水
而南也支港縱橫數百里間皆成澤國指其要領西
自灌口東經郫縣之北新繁縣之南成都府治華陽
縣之北新都縣金堂縣之南前後支流皆沱江也亦
曰湔江亦曰郫江其所會北來之水最大者一曰
綿水今名綿陽河源出綿竹縣西北境之紫巖山東
南流經縣北境百八十餘里至德陽縣東北境折南
流經縣東至漢州東境凡百七十里折西南流與西
北來之雒水會而南曰雁水一曰石亭江有三源
一名陡子河東南流合北來之白水河南流經綿竹
縣城西南又東南數十里會西北來之水一名射水
河東南流合北來之龍蟒河又東南經縣西境又東
南與陡子河會又南流有一水自西來會曰石亭江
又東南流經德陽西南漢州東境又南與西來之雒
水會而合綿水一曰白魚河源出什邡縣北境山

東南流經縣東境及漢州東北有平橋河合雒水來會一曰雒水源出什邡縣西北之章山亦曰雒通山東南流經縣南境俗曰鴨子河又東南流至漢州城北而東有平橋河西北自什邡城北東南流來會又東南會石亭山又南會綿水總名雁水又南有濛水支渠自西而東經彭縣北又東經漢州南曰馬水河者又東南合沱江支渠之清白江南流來會又東南至焦沙尾東金堂新都之沱江支渠並合而來會自此而南曰湔雒亦曰雁水亦曰中水實沱江也當新都縣東南有龍泉水南有龍泉山東北流入沱江沱江自焦沙尾東南流八十餘里折西南流百二十里至簡州東北有赤水河自西北合二水來注之即絳水亦名牛鞞水也又南經州城東又東南百里至資陽縣東北有楊花溪東北自樂至縣西境山合二水來注之又南經縣城東而南有資溪自縣西北山來注之又南五十餘里有珠溪自西北來注之珠

溪二源一西北出仁壽縣東北境資陽縣西境二山水東南流而合一西南出仁壽南之龍回山青石鋪東北流百餘里與西北源合東流又南合一水又東南入沱江至此曰珠江亦曰資江也又東南百里經資縣城西而東經其南有唐明渡又東有小溪自北來注之又東南百餘里至內江縣西北境折東北流經縣城西北又東北折而南經其東又南有高橋溪及東清流溪自東北來合注之經雄木鎮西稍曲曲西南流百五十里至富順縣東北有觀音河即鰲水自東北來注之又南經城東折而西經其南而西南流有滎溪西北自滎縣東南流合諸河水鹽井水來南注之至此匯江名金川亦曰中水又折而東流數十里折南流曲曲而東有隆橋河東北承際昌縣水及石橋河西南流來注之又東南百日至瀘州西北有沅水河自東北來注之又東經州城北而東南與大江會於州東也自灌口至復入處曲折行九百餘

里富順縣西南所合之榮河源出榮縣西北之東川溝東南流經城西而南與城東北之梧桐溝會東南流曰中溪河折而東經貢井及自流井之南有威遠縣北之付家河東南流合北來之跳石河黨木溪及龍令河三水南流注之又東經火井南有西牛河自北合三小水有胡家河自西南來並注之又東南流經沿灘場東折西南流曰之溪經富順之西南折而東與沱江會

大江既會沱江自瀘州東稍北受北來龍溪水東有巨灘稍北折東南流又一巨灘有大河溪大橋溪俱自西南來注之又東南流經合溪縣城北而東北流有赤水河西南自鎮雄土府東北合諸水經合江城東

而北注之

赤水河出鎮雄土府西北山東流折而東北經府北境曰綿陽河有阿朗河及此來

一水自西北來會折東南流入貴州界經永寧縣南境百五十里有小河西南自畢節縣北境合孫家河板橋河諸水東北流來會又東北流四十里入四川界又東北七十里經龍場營西北折而東流有驛子關水自西南來會又東百三十里過鄢家渡至黎民鎮北有一水西南自清水塘來注之又東有沙填河南合三水北流來會又東北流七十里有鹽井河東南自楓香鎮來注之又北流東受一水折西北流七十餘里有齊郎河東自桐梓縣東北山水合龍巖山水西流經縣城東西行百七十里又北合一水西南流來會又西有九溪河自南合西南來之乘龍山水北流注之西經脉困塘北有古蘭河自西南來注之又西北五十里至土城西有水思河自東來儒溪泥溪自西北來並注之又西北有有盤橋溪自東猿猴溪

自西南來先後注之折東北流六十餘里有金沙溪
自東來萌蘆溪自東北來先後注之又折西流稍北
百餘里北受堯壩溪沙壩溪二水後溪一水至仁懷
縣西南境有楓溪自西南來注之折北流有永壽橋
水自西來注之又北經縣城西折而經其北又東北
流百四十里經丁山西麓又東北七十里經合江縣
城東又北入大水此水曲折行受數小水幾及千里

又有高洞河自東南來注

之又東北有坪坦河自東來注之又北曲曲流有巨

灘有大鹿溪自西北來注之

水出榮昌縣南境
山東南流入江

又東

北流有洙溶溪北自永川縣來注之

洙溶溪即車對
河源有二一出

永川縣東北山西南流至縣城東南有一水自西來
會遂南而稍西流百餘里折東南流九十里入大江

有對溪自南來注之又東折而北而東而北而西北

流有五洞溪自西來注之又北有油溪自北合二水

來注之

油溪出壁山縣城北南流曲曲經來鳳驛西又東南流至江津縣北境折西南流有馬坊

河西北自永川縣東北山東南流來會又南流入江又曲而東而南有藥城溪

自南來注之又東北經江津縣城西北

江自合江東北至此凡九

折皆數十里一曲徑二百里中紆折流至三百數十里

又東北流數十里有綦

江自南合諸水來注之曰麴溪口

綦江源出桐梓縣北境山兩源合北

流百數十里曰松坎河受西南來一小水又北數十里有坡頭河自東北山來注之又北流西受一水又

北九十里有三溪河自東來會又北七十里經綦江縣城東而北有龍角溪自東合三小水來會又折西流經城北又西北流有沙溪溝自東北來有清溪河自西南合三岔溝及魚子溪水東北流三百餘里來會又西北百里北受一水又北有孫溪河西南又北合棋盤山水來會又北至江津東境又北入江又北八十里有小水自西來有甘蔗溪自東南來注之中有巨灘又北稍東九十里受東南來小水二至重慶府治巴縣南經明月峽折而東抱城東而北有涪江合白水嘉陵渠河三巨川盡并龍安潼川保寧順慶四府諸州縣之水自西北出魚鹿峽經府城北而東

來會

涪江白水江嘉陵江
西漢水渠河見後

大江既會涪江又東北受東北來一水折東流百里有

小水自南來注之又東北流有梅溪北自大竹隣水

二縣東合寶石河南流注之

梅溪源出大竹縣西九
盤山南麓西南流經廟

與場西折東流又東南有一水自縣南西南流來會
又西南流受西北來一小水又南有土橋河合一水

自西北來會又西南至隣水縣東南境有水自縣城
北繞而東南來會曰芭蕉河又南流八十里折東南

流有寶石河東北自月城山西南流二百八十餘里
西合一水來會又南流百餘里經大洪岡鐵山關東

江南入又東折而東北南受一小水又東北經溫樂山

有灘經長壽縣城南而東有桃花溪自東北來注之

溪出縣北山東南流折西南經崙尖山
西又西南流經長壽縣城東南入江
又有龍溪河

東北自梁山墊江二縣合諸水來注之
龍溪河源出梁山縣東南

山西北流經縣北境有一水南自城北流來會又西
流合南來一水又西南流有沙河自西北來會又南
流有七間河自西來會又南流折而西南有狐狸山
二水自西北合而來會又西南經墊江縣東境有羅
干河西自縣城北合三水東流來會又西南行兩山
中曰高灘河有兩水自西北合而來會又南流有大
沙河東北自梁山縣西南山中西南流來會又西南
百餘里至長壽縣東桃花口之南入江其南即黃草
山也又折南流經黃草峽而東南有梨河自南來注之

俗曰離鄉河

江心有沙洲

長十餘里

又東過鐵櫃山又東經涪

州城北而東有黔江亦曰涪江南自貴州合諸水來

會於銅柱灘口

黔江即烏江見後

大江既會黔江又東北至南沱折西北流二十里復東

北又東南而東流北岸受小水二

曰渠溪河出忠州西北山西南流二百

餘里經鄆都縣北境又西南至北涪鎮之西入江

南岸受

小水二

曰羅雲溪北流入江其口正對北岸之馬灘河曰白水溪在羅雲溪東北流入江

又東稍北經鄆都縣城南有葫蘆溪自東石柱司合諸

水來注之

萌蘆溪有兩源東出湖廣界上山北源曰龍背溪二水合西南流南源曰冷清溪亦

二水合西流而會曰後河又西經石柱司北有漆蘭溪自北來注之又折西南流有江池溪自西北來注之又西南流折而西北又折西流入江在縣東南又東北有龍停溪自城北

來注之又東北流百二十餘里經倒鬚灘北岸受小

水七至忠州城南南岸受小水二

北岸所受水自龍停溪而東北曰赤

溪曰丁溪曰挫溪溪口正南對石灘曰灘子沱二水合而注江當灘之尾曰泉水溪曰漕溪即忠州西南也諸溪皆出西大山東南流入江長不過數十里南岸所受二水曰神溪北流入江正當州城之南曰鐘溪出方斗山西北流入江正當州城東南又東北有澹溪河自西北來注

之

滄溪河即鳴玉溪出梁山縣南境山東南曲曲流經忠州北境滄井之南又東南至州東北入江

有沿溪自東南來注之

沿溪二水合江又東北有塗井

河自西北來注之

塗井河出梁山縣東境山東南經流經塗井之南折而東北入江

西界沱西四方山東麓

西界沱在東岸西方山在西岸

又東北有合

溪自西來注之

合溪亦曰跳蹬河

又東北北岸受二水

曰壤河溪

稍長曰楊河溪俱東南流入江

又東北折正北流東岸受二水

曰白水溪

西北流入江曰渡口溪北流折而西入江

稍西北至萬縣城南有西河自

西北來合北一水經城西而東南注之

西河即孛溪出西北山南

流折而東又東南流有一水即彭溪北自
山中南流來會經縣城西而南東入江 折東流而

東北

自忠州東北至於萬縣東二百餘里於鐵鳳山南折而東流至小

江口

自萬縣東稍北至此一百十里有小江北自開縣合諸水來注

之

有小江有數源一出開州東北山曰板橋溪西南流有謝家壩水自東南來會又西北流有石家溪自

東北來會折西流至舊縣壩南有北源觀面山一水自西北來會又西南流有跳登河自西來注之又南

經縣東南境有西源曰臨江自西北山經縣城南來會折東南流有墊江自西南來會始曰小江亦曰清

水江又東南百里至小江口之西南入又東經山麓江自小江口東至雲陽城七十餘里

又東經雲陽縣城南而東有新軍河自西南來注之

新軍河源出湖廣施南府界兩水西源出支羅所塘東北流東源出磁洞北流入石龍關西北界合而東

北流凡二百餘里東經雲陽之南境至城南北入江有東溪河北自縣城東來

注之

東溪河源曰五溪河出北與陝西界南九龍山之南麓南流山中經開縣東北境凡二百餘里

至五溪關東有石土河自東來會又東南曲曲流曰東溪河又百餘里經雲陽縣城東北又東南入江正

對南岸新軍河口

又東稍北經山麓東流數灘南岸受老馬

五龍二溪水北岸受頭塘溪水

頭塘溪出夔府治奉節縣西北山東南流

經縣西境南入江自雲陽東至此百里

又東經南鄉峽虎鬚灘至夔州

府城南經八陣磧東出為瞿塘峽有小河西北自分

水嶺經城東來注之又東經白帝城南當瞿唐峽口

為灩澦堆江流至險處也北岸受鐵柱溪水南岸受

大溪河水

灩澦堆石當奉節東南在大江中流惟西南近岸極西三十六度八分七分其東為龍脊

灘小河北出陝西南界之分水嶺南流曲曲隨山麓東南曰分水河二百餘里至鳳寧山東又東南百

里西受一水又東南流北受一水又東南經夔府城東北又南入江鐵柱河自北山南流經白帝城東

南入江大溪河出西南境山東北流百餘里入江稍南而東經南岸山麓八

十里至巫山縣城南有大寧河合諸溪水自北來經

縣城東北而南注之

大寧河東北出湖北竹山縣西南境蕭家坡之西北山二水合

西北流入縣東北界出山西流百六十里曰東溪河
至鹽井東北有西溪河西北自陝西界山東南流來
會又南至鹽井東南有後溪河自西來會折東南流
數十里又折西南至大寧縣東南有白楊河自西北
山東南流合西南來之水浪小溪二河經縣南而東
來會又南流數十里折而東南有龍溪上田二河先
後自西南來會又東南數十里經天昌廢縣南有揚
溪河東北自竹山南界麥場塢西南流二百里北合
一水經廢縣東南來會遂南百餘里依山麓
東南經巫山西麓至巫山縣城東南入江又東經
巫山南麓曰巫峽南岸受小水二曰觀渡河東流經水坪北折東北流
循江南岸大山南麓而東北入江土人亦曰巫山以
在縣東者為十二峰也曰白水河自建始縣東北
境山東北
流入江
北岸受小水一曰邊魚溪南北自巫山十
二峰東麓南流入江又

東南流入湖北界

西六度五分極三十一度一分計自叙州府東東北至巫山縣徑一

千四百餘里自巫山縣始折而東南流

經巴東縣西北界之萬流驛南

驛西即邊魚溪也

又東八十里經門扇東奔破石三灘至巴

東縣城北曰巴東三峽北岸受小水二南岸受小水

一

稍大者曰元渡河出巴東縣西北界山西南流合左右二水又南有坪陽壩水自東來會經火峰舖

東又南入江在巴東縣西北四十里

折東南流經縣東其北岸有小水

三自北來合注之南岸有水自西南來注之

水出縣西南境

山三源合東流折而東北經縣城之東北流入江

又東南流經數灘七十餘

里至歸州城南

歸州西有叱灘蓮花灘新灘皆山石險峻

南岸受沙鎮溪

水北岸受叱溪水

沙鎮溪二源一西南出召化堡山東北流有歸坪河東南自勸農村

來會又東北流入江在州西南三十里叱溪出州北境武家坪之西北山南流又東南折而南經兩山間

南至州城北折西南流入江入江之口即叱灘也

又東一小水自南來注之

又東有茅坪溪自南來注之

溪東北流合東來一小水經荒口鋪西北流入

江稍東有香溪東北自興山縣合諸水來注之

香溪出高

雞寨西山西南流曰深波河經苦口洞南又西南至興山縣北有南陽河自西北來會又南合西來一小水又南經縣城西而南有小水東北自城來會又東南流有建陽河自東北來西南流二百餘里來會又

西南經茅坪鋪東南入江

又東有花橋水自南來注之

花橋水出花橋鋪東

白沙驛西北流會西來之九灣及周坪二水又北入江

又東有杉木溪自西北

山來注之又東有白水溪自北來衢溪自南來並會

過黃陵廟又東南經宜昌府境山峽曲曲

有馬肝白狗空舫三

峽尤險自秭歸而東南者甚為危慮

經下牢關折南為大石灘至彝陵

南始出峽就平地安流而東也

自歸州東之三峽東南至下牢夾江為險

有西陵明月黃牛三峽中有使君虎頭狼尾鹿角等灘皆至險處自瞿唐至彝陵計五百里彝陵西分五極

八分度自白水溪而東北岸又受羅鈿河上紅溪二小水至江折向南處有長橋溪南流合東北來之梁邨

河水又南合東來一水折
西南流入江稍為源長

灘口西岸有桃花鋪水自

西來注之又東南至沈家店有臨江河自東北合三水

來注之

臨江河出龍泉鋪之東北山西南流經鋪南
有二水自西北合而來會又西南流至店南

西入又東南經雞子山虎腦背南過荆門山

山之對
岸即虎

山南至宜都縣城北有清江西自長陽縣西南承施

南府諸水來注之

清江源出施南府西北境與四川
之石龍關東交界之山東南曲曲

流百餘里有水西南自張家村山西北曲曲折而東
流曰大跳敦河經官渡壩南又東至忠孝司北有一
水自東南一自西南並來會北流至火鋪塘西北山
伏焉北踰重山復流出折而東流與清江會又東流

數十里至施南府治恩施縣北境有龍馬河自西北
山有大河東北自水田壩南流合而西南來會又有
乾平溪自西南來經沙子門嶺東北流來會清江又
南經三龍壩西受一小水又東南經府城東北東
受一小水又東南有冷水河自西南經出水洞來會
折東北流數十里經三岔口塘南又東北數十里有
一河西南自施南司之南山東北流經司北又東北
流受南來之揚二溪水經東鄉司北又東北八十里
來會清江又東有龍溪河自西北來合建始縣之小
河諸水來會水勢大盛又東百餘里合北來一水又
東北數十里合北來一小水又東北至桃符塘南有
水西南自桃山東北流經金雞口西北合西來三叉
口南之水東北經紅沙堡東北來會清江又東北九
十里有四都河自西北經黃家灣來會折東南流六
十里有一水西南自栗子坪東北流與石梁司東南
山水北流經五峯司西者合東北流至天地口來會

又東北流七十里，有石門。南水自西北來注之，又東南流五十里，經長陽縣城南，又東北流，受北一小水，又東，少北，受北來傳薪溪塘水，折而南，經灣市。西有十八堰溪，西自楊柳池來，會又東南至宜都縣城西北。會西南來之漢陽河，東入大江。清江即古夷水，行六百餘里，受數縣諸小水，無數。龍溪河所會，建始縣之小河，源出縣北境，灇潁南岸大山東南流，經水坪東南，曰蒲潭溪，折西南流，有桐木溪，自西來，會又南，有木瓜河，合二水，自西北來，會南經縣東南，有西溪，自城西南來，會曰小河，又南折西流，又南與龍溪河。二水會龍溪河，源出十三關大山者，南流折而東南，八十里，其南源東北流來，會又東流七十里，會小河，又東折而南，流經雙耳洞，東又南，經南里渡，西又東南，數十里，與清河會。漢洋河源出施南府東界五峯司之東北，大山東南流七十里，經百年關，北漁洋關南，有一水自南山來，會又東北流，百三十里至。

宜都縣西南境有二水西自梁山馬鞍山者先稍東後來會折東流稍北至城北會清江入大江

有善溪自北來注之曰白羊渡口

正當宜都縣城東北

又東南

數十里經枝江縣城東北有白水港溪自西南合一

小水東北流經城西北東注之又東南數十里有洋

溪自南來注之

洋溪村夾溪

折東北流至松滋縣西南中

有沙洲相聯有瑪瑙河北自當陽縣西南境合三水

南流注之

瑪瑙河二源東源二水出當陽西南之王泉山南流合而西南數十里與西源出雙

店鋪東南流者合又南曲曲百餘里至松滋西境南入江

又東北經縣城北折而

東南有珠市水自西來注之又東南經江亭草坪北
又東至荊州府治江陵縣西南境之浣口北北岸有

沮河漳河北自古麥城合而南流注之

沮河源出遠安縣北境之

北風山南流曲曲百餘里曰潮水河西受一小水南經縣城西折東南流七十里至當陽縣西北境有
鞏河自東北來會折東流而南而東南經當陽城北
又東南流西受縣南一小水經紫蓋寺南又東南至
古麥城西又東南漳河自東北來會又南百五十里
入大江當未入江時有支津東流八十餘里至荊州
府城西南周寅店入江漳河源出沮河之東北五
十里之勸湯巖南流至漳河司清水舖西曰清溪河
又東南流至河溶西麥城東又南與沮河會二水自
源至江行四百餘里漳河司東北連山東為荊門

山 麥城在當陽縣東南七十里東南至府城百六十餘里 當陽西南六十里即玉泉山 北風山東

北百餘里 又東至虎渡口北南岸有支津南通公安至漳南縣

諸湖水北岸有沮漳支流來會又東稍北經府城南

沙市折東南流

自巴東至此徑六百餘里前稱川江至此又稱荆江經公安縣

東北境又東南稍折而西而南至石首縣西境折向

東稍北經縣城北又東有沙洲過調絃口又東北折

而東南至監利縣西境有支津南會澧水入洞庭湖

見後又東經監利南境至卑灣西折南流屈曲經華容

東境至岳州府治巴陵縣西北境始折而東北流洞

庭湖南匯沅湘諸水自府城西北東北流來會

洞庭湖湘

水沅水醴水見後江自夔府始東南流至此凡一千
二百里也湖口西三度五分極二十九度五分自監

利至巴陵凡八曲折
始會洞庭而東北

大江既會洞庭水於巴陵東北之荊河口經城陵司北

白螺司南南岸有松陽湖二支津來注之又東北經

臨湘縣西南境南岸有白泥湖水自縣東南來西北

流注之

白泥湖在縣東南即黃介湖之委也袁延
七十餘里西北流經縣南境又西入大江又

東北過石磯

曰城陵磯曰道人磯

經縣城西北又東北經螺山

南又東北至新堤鎮南土磯頭北南岸有黃介湖西

口又東至茅埠村東北港塘西東口

黃介湖源南出大嶺口水北流

經長安驛東桃林鎮西入湖又東南有龍角山水來會湖裏延百餘里西南流為白泥湖西北入江東北

流入為長湖其南有尖山舖港口驛諸山三水會平水港流入焉湖東即蒲圻西境也北分二港一西北

入江一北入江又東北為六溪口即古陸口又陸水東南自

蒲圻合通城崇陽諸水來注之

陸溪出江西寧州西界大湖山三源東北

流折而西北流經苦竹山西南樓崩東曰石觜頭河又東北至河市北有河市港水西南自黃龍山下將

嶺北流來會又東北經通城縣東境有東港太平港及城南之朗河皆自西南來會又有龍窖山水自西來經城北來會又北會西來之白港河水折東北流經新橋鋪苔橋鎮西北有毛公渡河自南來注之又北至石五鋪西有大溪洞水自東南來注之又東北至崇陽縣西南有吳城港水南自雷公山來會又東經縣城南而東有水自東南來注之又北流經城東而北有白羊山水合數小溪南流折而西北來注之又西北流經崇洪鎮北有小水自西南來注之又北流折而西至蒲圻東南有桃花嶺水自西南來注之餘里至六溪口西北入江又東有石磯磯南岸曰

南岸有小湖口

即嘉魚城西南湖也赤壁在嘉魚縣西與江夏縣界北岸對烏林東

經嘉魚縣城北北岸即沔陽州東南境也

北岸自新堤鎮揚家

觚東北至此雖無入江之水沔陽支津又東折而東北引漢水為川為澤縱橫五六百里間

北又西北至新灘口沔陽東南諸水合而來注之

見後

又西北折而東經大軍山南麓至金口鎮西有斧頭

湖金水自南來注之

斧頭湖長百數十里自嘉魚東南境迤而東有小水三自南來

注之又迤而北有咸寧縣咸河自東南合六小水來北注之又東北至賀勝橋受東來一小水又北百里至

金口鎮巡司西北入江

又北流稍西經小軍山東麓又北有赤

野湖西會沔陽太白十四湖諸水來會曰沌口漢陽

府之西南境也

荊州府治江陵縣城北有大暉港自北而南折而東經城北又東數十里

形如曲尺此水無所入其北有池水當港曲平地於
龍背橋南東流六十里有小水自西北來會淮為太
白湖自西迤而東南長九十里至潛江縣西境梅家
嘴西有三湖水西南自江陵東南境來會又東有漢
水支津東北有大澤口西南流來會南流有紅馬湖
水南自江東北岸之郝穴東北流又西合觀音寺東之
水來會即古所謂夏水首受江後人曰長夏河者也
自此分二派一派東南流至周家嘴又分為二北派東
流至沔陽州南之謝雲口又東數十里至峰口復合
有小河西北自州北境來會東至土坑口又分為三
其東流二渠匯為妙湖其南流者為白石湖有上洪
湖官湖下洪湖相連自西來會又南而周家嘴南流
之水與紅馬湖南流之水會而東南者西南受監利
縣北岸之南湖蓮頭湖大鳥湖蔣師湖大城池五
水又東流百數十里至新堤鎮揚家嘴又東北來會
過小港口又東北與沙湖水會而東州東北水之支

渠亦東南注棍當湖會於平坊又東折而北至州東南之新灘口巡司之南東入江 沔陽北派自潛江縣北境張集口南引漢水支津南流至排沙渡之西折東南流經縣城東北又東南流分為二派至謝汪劉三場又分為三其東二派南復合至州西蕭家場折而東北匯為西湖經州西北及正北曰遄過湖又東曰白泥湖長百二十餘里南北廣者八十里狹者五六十里其南一派東南流百七十里至州南境與州城西水合又東南至土坑口會長夏河者也白泥湖東南流於沙鎮司南東北注赤野湖 赤野湖兩受漢水一西北於州東北之仙桃鎮南南流與白泥湖北出之二渠合而東經下菴埠南又東注赤野湖一東北於漢川縣東境蔡店巡司之北引漢支津西南流百餘里注赤野湖湖北九十餘里東西七八十里於東流出經小軍山之北東又東北七十里經漢北至沌口入大江 即沔水也

陽府城南及東武昌府城西有磯有湖水自東南來

注之

磯在武昌府西南江中當漢陽正南即鸚鵡洲也 武昌府治江夏縣有黃鶴磯縣南多水澤

曰東湖曰湯孫湖曰黃家湖曰清寧湖曰賽湖至西山會流而北入江 二府隔江東西

相望稍北漢水西北合商雒唐鄧以南諸巨川自漢

陽府城西北來會曰漢口

漢水見後西二度三分極三十度六分

水道提綱卷九